

Lilli e Squamet

il nov dc en la retscha Top Kids

■ (cp) Questa giada pon ils uffants rumantschs ir cun RTR Radiotelevisiun Svizra Rumantscha e cun la Lia Rumantscha (LR) en la citad da las nixas en crusch ed a travers la mar. Ed accompagnar Lilli, ina nixina fitg curaschusa e ses ami Squamet sin lur aventuras. Scrit l'istorgia ha l'enconuschen- ta autura tudestga *Cornelia Funke*. Lilli è ina pitschna nixina fitg curaschusa. Perquai vul ella era far termagls davant las portas da la citad da las nixas. Ses meglier ami Squamet n'è insumma betg intgantà. Sias squamas piztgan da nar – sco adina cura ch'i daventa privlus. Ma Lilli na vul betg restar en la citad. Vi da creatiras cun duas chommas ed octopus na crai ella tuttina betg. Ma questa giada entaupan ils dus amis il sutmarin «Diavel da la mar» e



Il frontispizi dal nov disc cumpact da la retscha Top Kids.

MAD

signur e dunna Bavrola che van a chatscha da nixins per lur aquari. Qua èsi tuttina fitg bun ch'i dat vairamain era l'octopus.

Questa giada tramettan RTR e la LR ils uffants en il mund sut l'aua. In mund

fascinont cun creatiras nunenconuschen- tas. Scrit las aventuras da Lilli e Squamet (titel original Lilli und Flosse) ha l'enconuschen- ta autura tudestga *Cornelia Funke*. Ses romans fantastics – per exempel er la trilogia «Tintenwelt» han success internaziunal ed èn translatschats fingià en 37 linguatgs. Cun Lilli e Squamet vegn uss in giu auditiv rumantsch latiers. Il giu auditiv «Lilli e Squamet» è cumpari en la seria Top Kids dad RTR e da la LR. In'em- prova auditiva chatt'ins en l'internet sut www.simsalabim.rtr.ch. L'istorgia è adattada per uffants a partir da 6 onns.

Il disc cumpact pon ins cumprar tar Radiotelevisiun Svizra Rumantscha (www.simsalabim.rtr.ch; 081 255 75 75), tar la Lia Rumantscha (www.liarumantscha.ch; 081 258 32 22) a Cuira u en tut las librerias che vendan products rumantschs per il pretsch da 19.50 francs.